

PACA-IARRTAIS-OBRACH



Dreuchd	Cunntachail gu
Oifigear Dhàimhean Didseatach	Manaidsear Conaltraidh
Stèidhichte	Ag obair aig astar
Deit Dùnaidh	21 Gearran 2021, 11.59f
Agallamhan	1 Màrt 2021, air Zoom

3 Gearran 2021

A thagraiche chòir

IARRTAS OBRACH – Oifigear Dhàimhean Didseatach

Taing airson ur n-uidh ann am fear de ar dreuchdan leasachaidh ùr ag obair mar phàirt de ar sgioba a tha a' sìor fàs. Tha an dreuchd seo cudromach, ag amas air inbhe susbaint didseatach Gàidhlig a thogail, a' gabhail a-staigh susbaint fèin-chruthaichte (User Generated Content / ugc). Tha sinn a' sireadh neach a tha dealasach mu obair le cùisean didseatach mar phrìomhachas, agus a bhith gan leasachadh fhèin gu proifeasanta.

Tha e a' toirt toileachas dhuinn am paca-iarrtais-obrach a chur an cois seo.

Gus tagradh a chur a-steach, cuiribh a-steach litir-chòmhdachaidh agus ur CV le iomradh air ur sgilean, eòlas agus comasan, a' cur aire shònraichte air an Sònrachas Obrach. Bu mhath leinn cluinntinn mu ur comasan agus eòlas bhon dà chuid obraichean pàighte agus saor-thoileach. Ma tha sibh ag iarraidh còmhraidh neo-fhoirmeil mun obair agus mun chothrom, cuiribh fios gu Claire NicLeòid, Comhairliche HR, air hr@mgalba.com agus cuiridh sinn air dòigh àm freagarrach airson còmhraidh.

Bu chòir dhuibh ur tagradh a chur a-steach ro mheadhan-oidhche Didòmhnaich 21 Gearran 2021 gu hr@mgalba.com. Cha tèid beachdachadh air tagraidhean a thèid an cur a-steach an dèidh seo.

Thèid agallamhan a chumail tro Zoom.

Le dùrachd



Dòmhnall Caimbeul
Àrd-Oifigear

MU AR DEIDHINN

Cò sinn?

Tha MG ALBA (Seirbheis nam Meadhanan Gàidhlig) a' ruith na seanail Ghàidhlig **BBC ALBA** ann an com-pàirteachas leis a' BhBC. Tha uallach oirnn cuideachd airson **FilmG**, ann an co-obrachadh le Cànan Graphics Studio, agus thathas a' libhrigeadh **LearnGaelic** ann an co-bhanntachd leis a' BhBC, Bòrd na Gàidhlig, Sabhal Mòr Ostaig agus Bòrd na Ceiltis (Alba).

Tha fiosrachadh cudromach mu ar n-amasan agus ar toraidhean airson na bliadhna seo ri fhaighinn nar [Plana Obrachaidh 2020/21](#).



Càite bheil sinn?

Tha ar prìomh oifis ann an Steòrnabhagh, le oifis cuideachd ann an Glaschu, agus làthaireachd ann an Inbhir Nis. Mar fhreagairt air Covid-19, tha sinn air gluasad gu soirbheachail gu bhith ag obair aig an taigh, agus bidh an roghainn seo ri fhaotainn leis an tagraiche soirbheachail.

Ar Luchd-obrach & Am Bòrd

Tha 43 [neach-obrach](#) againn, le [Bòrd](#) de 9.

Ar n-Àrainneachd Obrach

Thathas ag obair le dòigh obrach firinneach, fosgailte agus eadar-obrachail. Tha guth gach neach nar sgioba a' cunntadh. Thathas a' co-roinn nas urrainn dhuinn de dh'fhiosrachadh gus am bi fios aig gach neach ciamar a tha am buidheann a' dèanamh, ciamar a tha sinn uile a' cur ri sin agus ciamar as urrainnear a bhith fiùs nas fheàrr nur n-obair.



Thathas pròiseil gun do choilean sinn barantachadh bhon taobh a-muigh bho *Broadcast Best Places to Work in TV* airson còig bliadhna co-leantaileach (2016-2020), Inbhe Airgid bho *Creideas nar Cosnaichean* agus Inbhe Òir bho *Creideas nar Cosnaichean Òga*. Thathas dealasach ann a bhith a' dèanamh nas urrainn dhuinn gu bheil ar daoine falainn agus air an coimhead às an dèidh, ag obair le *Healthy Working Lives Awards* gus seo a choileanadh.

Ullachaidhean Chorpóra agus Shòisealta

Mar bhuidheann, thathas làn dhealasach mur Ullachaidhean Chorpóra agus Shòisealta, a tha air an coileanadh ann an ioma dòigh, nam measg tro ar Poileasaidh Àrainneachd, ar Poileasaidh Fastaidh agus ann an tabhartasan seach airgead chun choimhearsnachd agus buidhnean carthannais. Thathas gu cunbhalach a' toirt seachad eòlas saor an-asgaidh agus uidheamachd gu tachartasan ionadail togail airgid, dannsan carthannais, farpaisean cheist, cuirmean dhuiscean agus bithear cuideachd a' toirt taic do riochdachadh bhidiothan foillseachadh carthannais, tachartasan spòrs, bùithtean-obrach cultarail agus foghlaim agus tachartasan film/Mòd.

AN DREUCHD ÙR

Cùl-fhiosrachadh

Tha na meadhanan Gàidhlig, coltach ri gach meadhan eile, a' dol tro atharrachadh brìgheil. Tha an uiread de shusbaint didseatach Gàidhlig a tha a' sìor fhàs air diofar ùrlaran sòisealta a' riochdachadh chothrom uabhasach fhèin mòr don Ghàidhlig. Tha MG ALBA gu bhith a' cur air bhog pròiseact ùr, a tha ag amas air inbhe nas àirde a chruthachadh do shusbaint didseatach Gàidhlig (daonna le cead a' chruthaiche). Le seo, tha sinn an dòchas ùrlaran a bharrachd a thoirt do bheartas agus neart susbaint didseatach Gàidhlig, agus barrachd luchd-labhairt na Gàidhlig, gu h-àraid feadhainn òga, a bhrosnachadh gus an t-susbaint aca fhèin a chruthachadh.

Bidh an dreuchd seo ag obair a dh'ionnsaigh faicsinneachd susbaint didseatach na Gàidhlig a neartachadh, le bhith ag obair còmhla ri luchd-cruthachaidh neo-eisimeileach ach cuideachd ann a bhith a' gabhail a-staigh susbaint didseatach a tha ceangailte ri MG ALBA, ar saoghal agus luchd-cruthachaidh susbaint Gàidhlig ùr.

'S e prìomh amas na dreuchd seo a bhith a' taiceachadh lìbhrigeadh soirbheachail agus stiùir a thoirt air co-òrdanachadh a' phròiseict seo.



Daoine

Bidh na bun-neartan seo aig ar sàr-tagraichean:

- Deònach a bhith mar phàirt de sgioba trang, spionnmhor agus fàis
- Comas obrachadh gu neo-eisimeileach taobh a-staigh stiùireadh aontaichte
- Sàr sgilean eadar-phearsanta agus conaltraidh
- Uidh shònraichte ann an dreuchd san roinn mheadhain
- Deònach a bhith nad bhall sgioba làidir
- Deònach a bhith ag ionnsachadh thar nan obrach, le taic bho leasachadh proifeasanta agus teisteanas bhon taobh a-muigh

An Dreuchd

Bidh an t-Oifigear Dhàimhean Didseatach cunntachail don Mhanaidsear Conaltraidh fhad 's a tha lìbhrigeadh a' phròiseict ùir mheadhanan sòisealta aig MG ALBA ga chur gu dol. Bidh an neach cuideachd a' toirt taic do dh'obair làitheil nam meadhanan sòisealta aig MG ALBA agus an sgioba conaltraidh nas fharsaing nuair a tha feum air.

Aig cridhe shoirbheachas na dreuchd seo, tha comas a thaobh nam meadhanan sòisealta, agus mothachadh air àrainneachd susbaint fèin chruthaichte na Gàidhlig a tha ann mar-tha.

FIOSRACHADH TAGRAIDH

Prìomh Chinn-là

Tagraidhean fosgladh	3 Gearran 2021
Deit Dùnaidh	21 Gearran 2021, 11.59f
Agallamhan	1 Màrt 2021 air Zoom

Pròiseas Taghaidh

Tha am pròiseas taghaidh air a chur a-mach ann am [Poileasaidh Fastaidh MG ALBA](#).

Pannal Taghaidh

Manaidsear Conaltraidh agus Stiùiriche Susbaint Ioma-Ùrlair, air an taiceachadh leis a' Chomhairliche HR.

Sgrùdadh Co-ionannachd Chothroman

Tha sinn nar fastaichean co-ionannachd chothroman agus bithear a' cumail sgrùdadh air dàta fastaidh. Cuiribh crìoch air an fhoirm an cois seo, a tha a rèir reachdas GDPR.

Tagraichean Ciorramach

Cuirear fàilte air tagraidhean bho dhaoine ciorramach agus tha sinn a' gabhail pàirt san Sgeama Agallamh Barantas Obrach airson tagraichean a tha air iad fhèin a mheasadh mar chiorramach agus a tha a' coileanadh nan slatan-tomhais aig an ìre as ìsle airson dreuchd bhàn.

Rèitearan

Thèid fios a chur gu dà rèitire nuair a thèid gabhail ri tairgse obrach cumhach. Cha tèid fios a chur gu rèitire gun ur cead.

Dàimh le Ball Bùird / Oifigear / Strì eadar Chom-pàirtean

Bu chòir dàimhean le buill bùird no luchd-obrach, no strì chom-pàirtean ann an dà-rìribh na dh'fhaodadh a bhith air fhaicinn mar strì chom-pàirtean a chur am follais san tagradh.

GDPR

Thèid dàta pearsanta taobh a-staigh ur tagradh a phròiseasadh, a chumail agus a chur ann an tasglann/cur às dheth a rèir [Sanas Prìobhaideachd MG ALBA](#).

GEÀRR-IOMRADH AIR TEIRMEAN IS CUMHAICHEAN NA H-OBACH

Ìre	Ìre B
Tuarastal	£23,854 gach bliadhna
Fòrladh bliadhnail	25 là + 12 saor-làithean poblach
Peinnsean	Sgeama Peinnsein Tabhartas Sònraichte, cuiridh MG ALBA 10% den tuarastal bliadhnail, a' dol suas gu 15% ma chuireas an neach-obrach tabhartas de 5% ris
Bàs ann an Seirbheis	4 x Tuarastal Bliadhnail
Sochairean Eile	Gus dòigh beatha fhallain a bhrosnachadh thathas a' tairgse ballrachd talla-spòrs. Tha dòighean-obrach math teaghlaich agus sùbailte againn agus thathas a' tairgse sgeama bileag chloinne.

Sgeama Pàigheadh Tinneis

Seirbheis suas gu dà bhliadhna	Làn-pàigheadh 1-mhìos agus leth-pàigheadh 1 mhìos, ann an aon bhliadhna
An dèidh seirbheis 2 bhliadhna	Làn-pàigheadh 2-mhìos/leth-pàigheadh 2 mhìos, ann an aon bhliadhna
An dèidh seirbheis 3 gu 4 bliadhna	Làn-pàigheadh 3-mìosan/leth-pàigheadh 3 mìosan, ann an aon bhliadhna
An dèidh seirbheis 5 bliadhna	Làn-pàigheadh 4-mìosan/leth-pàigheadh 4 mìosan, ann an aon bhliadhna

Ionnsachadh & Leasachadh

Tha e riatanach gum bi plana Ionnsachaidh agus Leasachaidh aig gach neach-obrach a ni comasach dhaibh fàs nas èifeachdaich nan obair agus na h-amasan bliadhnail obrach aca a choileanadh.

Gàidhlig

'S i a' Ghàidhlig cànan-obrach MG ALBA. Tha an obair seo a' cur feum air àrd ìre de fileantas sa chànan. Thèid taic a thoirt do thagraichean a tha airson an cuid Gàidhlig a leasachadh.

Tuilleadh Fiosrachaidh

Airson còmhraidh neo-fhoirmeil mu pìos sam bith den obair, cuiribh fios gu hr@mgalba.com agus thèid àm freagarrach a chur air dòigh airson còmhraidh.

JOB DESCRIPTION

Tiotal-obrach	Oifigear Dhàimhean Didseatach	Ìre	B1	Uaireannan Seachdainneach	37
Amas	<p>A bhith a' taiceachadh libhrigeadh soirbheachail agus co-òrdanachadh pròiseact ùr meadhanan sòisealta aig MG ALBA a tha ag amas air coimhearsnachd didseatach na Gàidhlig a leasachadh agus fheabhsachadh.</p> <p>'S e amas a' phròiseict a bhith a' trusadh agus ath-thaisbeanadh susbaint didseatach Gàidhlig, le cead nan cruthaichean, air brannd aonaichte air na meadhanan sòisealta, a' cruthachadh mothachas, dàimheachadh agus com-pàirticheadh nas àirde san fharsaingeachd.</p>				
Cunntachail do	Manaidsear Conaltraidh				
Le uallach airson	<ol style="list-style-type: none"> 1. Cur air bhog, libhrigeadh agus co-òrdanachadh leantainneach air pròiseact ùr meadhanan sòisealta MG ALBA. 2. A' taiceachadh fàs ann an àrainneachd nan cruthaichean susbaint didseatach Gàidhlig. 3. A' measadh dhàimheachadh a' phròiseict meadhanan sòisealta. 4. Co-òrdanachadh cruthachadh susbaint agus libhrigeadh airson sruthan meadhanan sòisealta MG ALBA. 5. A' cur taic ris an sgioba Chonaltraidh agus Susbaint le obair làitheil far a bheil feum. 				
Dàimhean obrach	<p>Bidh aig an neach a thèid fhadastadh dàimhean làidir le cruthaichean susbaint na Gàidhlig a chruthachadh agus a leasachadh, agus an dearbh rud le luchd-ùidh MG ALBA agus an coimhearsnachd Gàidhlig nas fharsaing.</p> <p>Bidh an neach a thèid fhadastadh a' cur ri obair a' Mhanaidsear Chonaltraidh agus an Stiùiriche Ioma-Ùrlair.</p> <p>Bidh iad ag obair gu dlùth leis a' Cho-ordanaiche Conaltraidh & Susbaint, Aonad Didseatach MG ALBA, agus na co-òrdanaichean didseatach airson nam branndan eile taobh a-staigh saoghal MG ALBA.</p>				
Toraidhean	<p>'S ann an urra ris an neach a thèid fhadastadh a bhios e a bhith a' cur air bhog pròiseact ur meadhanan sòisealta MG ALBA gus meadhanan sòisealta Gàidhlig a chruinneachadh agus a thaisbeanadh air brannd aonaichte meadhanan sòisealta a tha ag amas air beartas susbaint didseatach Gàidhlig a thaisbeanadh.</p> <p>Gheibh am brannd ùr fàs cunbhalach agus dàimheachadh math, is e cuideachd a' cur ri dàimheachadh agus mothachadh air cruthaichean susbaint Gàidhlig a tha ann mar thà; agus cuideachd a' brosnachadh agus a' leasachadh cruthaichean susbaint ùra.</p>				
Priomh ghniomhan	<ul style="list-style-type: none"> • Ag obair còmhla ris an Sgioba Chonaltraidh gus pròiseact ùr meadhanan sòisealta MG ALBA a chur gu dol. • Libhrigeadh agus co-òrdanachadh obrachadh làitheil a' phròiseict ùr meadhanan sòisealta aig MG ALBA. • Co-òrdanachadh susbaint, libhrigeadh agus a bhith a' cumail faire air sruthan a' phròiseict meadhanan sòisealta aig MG ALBA. • A' trusadh fiosrachadh cleachdaidh agus a bhith a' dreachadh aithisgean a thaobh dàimheachadh air na meadhanan sòisealta. • 				
Fad na h-obrach	12 mìosan stèidhte le cothrom gun tèid a shìneadh.				

PERSON SPECIFICATION

	Riathanach	Mionnaichte
Teisteanasan / Eòlas		Teisteanas iomchaidh agus / no eòlas sna meadhanan-sòisealta, conaltradh no margaidheachd.
Eòlas	Freumhan làidir le coimhearsnachdan Gàidhlig air-loidhne agus coimhearsnachdan Gàidhlig eile.	Eòlas ann a bhith a' cruthachadh susbaint son na meadhanan-sòisealta. Eòlas air mar a mar a nì thu aithisgean sgrùdaidh air na meadhanan sòisealta.
Sgilean	<p>Sgilean teicnigeach làidir a rèir susbaint co-cheangailte ri na meadhanan sòisealta agus a rèir planaichean, leasachadh, modhan, innealan agus apps air-loidhne.</p> <p>Conaltradh gu nàdarra eadar dhaoine agus air na meadhanan sòisealta.</p> <p>Comasach ann a bhith a' manaidseadh an ùine fhèin agus a bhith ag obair aig astar.</p> <p>Sàr ìre de dhealas ann an leasachadh pearsanta agus proifeasanta</p> <p>Comas dàimhean obrach a thogail agus a chumail taobh a-staigh MG ALBA agus air an taobh a-muigh le luchd-dèiligidh, solaraidhean agus com-pàirtean</p> <p>Comasach a bhith ag obair air do cheann fhèin.</p>	<p>Ag obair gu làidir thar sgioba agus air pròiseactan còmhla.</p> <p>Comas stuthan tarraingeach a chruthachadh airson nam meadhanan sòisealta.</p> <p>Sàr sgilean eadar-phearsanta (labhairteach agus sgrìobhte) ann an Gàidhlig agus Beurla.</p> <p>Comasach a bhith ag obair gu sùbailte.</p> <p>Sàr sgilean IT agus comasach ann a bhith a' cleachdadh MS Office air fad.</p>
Riathanas cànan	Neach-labhairt fileanta sa Ghàidhlig	
Modh-giùlain	<p>Deagh chomas air breithneachadh agus air a bhith neo-eisimeileachd na do smuaintinn.</p> <p>Fòcas air sgilean dhaonna agus obrachadh ann an sgioba</p> <p>Treibhdhireas</p> <p>Earbsachd</p> <p>Sgilean eadar-phearsanta agus dàimheil.</p>	Dòigh-obrach deimhinneach